

ԱՆԱՅԻՏ ՌԱՖԱՅԵԼԻ ԻՍՐԱՅԵԼՅԱՆ

Գաշնակահարուհի, Երևանի Կոմիտասի անվ. պեպրական կոնսերվատորիայի դոցենտ

ՀԱՅ ԿՈՄՊՈԶԻՏՈՐՆԵՐԻ ԿԱՄԵՐԱՅԻՆ ՍՏԵՂԾԱԳՈՐԾՈՒԹՅՈՒՆՆԵՐԻ 2-ՐԴ ՓԱՌԱՍՆԸ

2010 թ. դեկտեմբերի 6-ին, 9-ին և 10-ին Ա. Խաչատրյանի տուն-թանգարանի համերգասրահում տեղի ունեցավ հայ կոմպոզիտորների կամերային ստեղծագործությունների 2-րդ փառատոնը: Ինչպես 1-ինը, որ տեղի էր ունեցել 2009 թ. դեկտեմբերին, այս փառատոնը նույնպես կազմակերպել էր Կոմիտասի անվ. ԵՊԿ կամերային անսամբլի ամբիոնը, ռեկտորարի, Ա. Խաչատրյանի տուն-թանգարանի տնօրինության և Հայկական երաժշտական համաժողովի աջակցությամբ:

Համերգաշարին մասնակցում էին բուհի կամերային անսամբլի ամբիոնի թե՛ ուսանողները և թե՛ դասախոսները: Բացման խոսքով հանդես եկավ ԵՊԿ պրոֆեսոր Արմեն Գևորգի Բուդաղյանը՝ նշելով հայ կամերային երաժշտության դերն ու կարևոր նշանակությունը կոնսերվատորիայի ուսումնական արտադրական կյանքում: Իր խոսքում բանախոսն անդրադարձավ փառատոնների կարևորությանը:

1-ին անգամ կատարվեց Գավիթ Սաթյանի մեկ մասանի դաշնամուրային Կվարտետը, որն աչքի է ընկնում լավարեստական տրամադրությամբ և պարային ռիթմով:

Բեմելն էր նաև Սիմոն Հովհաննիսյանի դաշնամուրային Տրիոն՝ ռոմանտիկ, գոդոլիկ մեկ մասանի ստեղծագործությունը:

Վարդան Աճեմյանի դաշնամուրային Կվինտետը նույնպես հնչում էր առաջին անգամ: Մեկ մասանի այս ստեղծագործությունը ծավալուն է և ընդգրկում է երկու հակադիր թեմա: Թեմաներից մեկը հիշեցնում է հայկական հոգևոր մեղեդայնությամբ երաժշտություն, 2-րդը ռիթմիկ է, հասարակական և արտացոլում է ժամանակակից կյանքը: Փառատոնին կատարվեցին XX դարի 2-րդ կեսի ստեղծագործություններ ևս՝ Սյրեիան Չրբաշյանի թավջութակի և դաշնամուրի Սոնատը և դաշնամուրային Կվինտետը, Սյրեիան Նադդյանի դաշնամուրային Տրիոն, դաշնամուրի և թավջութակի Սոնատը, Գրիգոր Հախիկյանի ջութակի և թավջութակի Սոնատը, Ալեքսանդր Հարությունյանի «Մասունցիների պարը» (փոխադրումը՝ հեղինակի դաշնամուրային Կվինտետի համար):

Կամերային անսամբլի ամբիոնում հաճախակի կատարվող ստեղծագործություններից փառատոնում տեղ էին գրել Առնո Բարաշյանի և Ալեքսանդր Հարությունյանի դաշնամուրային Տրիոները, Էդուարդ Խաչատրյանի դաշնամուրային Կվինտետը, Սյրեիան Շաքարյանի դաշնամուրային Տրիոն: Համերգներին թարմ շունչ հաղորդեցին Ռուբեն Ալթունյանի, Վարդան Աճեմյանի ջութակի և դաշնամուրի Սոնատները և Սյրեիան Շաքարյանի լարային Կվարտետը:

Այս միջոցառման ծրագիրը մեծ հետաքրքրություն էր առաջացրել թե՛ դասախոսների և թե՛ ուսանողների շրջանում: Մասնակիցների համար պրոֆեսիոնալ տեսանկյունից մեծ դեր խաղաց հեղինակների հետ սերտ համագործակցությունը: Պետք է հարուկ նշել կամերային անսամբլի ամբիոնի վարիչ, պրոֆեսոր Ալլա Սիրակի Բերբերյանի գործունյա կազմակերպչական դերը և ամբիոնի բոլոր դասախոսների մասնագիտական, անմնացորդ վերաբերմունքն այս համերգաշարի հանդեպ:

Յանկայի է, որ այս փառատոնը շարունակական լինի և նպաստի հայ կոմպոզիտորների կամերային ստեղծագործությունների բացահայտման և տարածման գործին:



Լուսինե Հարությունյան, Աստղիկ Հլոպյան (դոցենտ՝ Ա. Ռ. Իսրայելյանի դասարան) Ա. Խաչատրյանի տուն թանգարան 6 դեկտեմբերի 2010 թ.

Резюме

Статья доцента ЕГК Анаит Рафаэловны Иераэлян «II Фестиваль камерных сочинений армянских композиторов» рецензия на концертное исполнение, в том числе и премьерное, армянской музыки студентами и преподавателями кафедры камерного ансамбля ЕГК в Доме-музее А. Хачатуряна с 6 по 10 декабря 2010 г.

Summary

Article of a lecturer of YSC Anahit Rafael Israelian "II Festival of chamber works by Armenian composers" review of the concert, including the premiere, armenian music by students and faculty chair of the chamber ensemble at YSC un A. Khachaturian's House Museum from 6 to 10 December 2010.